



## Philosophical Transactions

Please note: Due to an error in the print volume, the page numbering in this article may contain either page numbering skips, or page numbering repetitions, or both. However, the article content is presented in its entirety and in correct reading order.

**Please click on "Next Page" (at the top of the screen) to begin viewing the article.**

A Letter, written to the Publisher by the Learned and Experienced Dr Timothy Clark one of His Majesties Physicians in Ordinary, concerning some Anatomical Inventions and Observations, particularly the Origin of the Injection into Veins, the Transfusion of Bloud, and the Parts of Generation.

**T**andem, Clarissime Oldenburgi, ab Oratore didici, ex omnibus virtutis præmiis, amplissimum esse Gloriam, atque etiam proculdubio omnibus maxime desiderabile, cum hec unica sit, que brevitatem vita, posteritatis memoriam consoletur; quæ efficit, ut absentes adsumus, ut mortui vivamus; & cujus gradibus homines in cælum videntur ascendere. Humano generi ergo connatus videtur esse glorie appetitus, & ejus igniculi in ipsa pueritâ videntur micare, quibus magna ingenia ad maxime Laudabilia peragenda stimulantur, & minora etiam ad aliquid manus agendum accenduntur. Sed cum Appetitus hic inordinatus & illicitus evadat, & in parte animi, rationis experte, stabuletur, & uti aliæ cupiditates effrenatae, flagitia perpetrare audeat; viri etiam ita animo laborantes, non diutius solida & expressa contenti gloria (viz. Consentiente laude bonorum, & incorrupta voce bene Fudicantium de excellenti virtute) aliorum laudibus obtrectant, corum nomina fugillant, & aliena etiam bona, ut sibi propria, arrogare audent. Sed dolendum est, doctam & literatam gentem talibus animi egritudinibus etiam laborare; cum penes Philosophum solam sit Animi Medicina, cuius salutaribus praceptis qui paruerint, tranquillitate illa placida quietaque constantia locupletantur, quæ motus turbidos Iræ, & cupidinis inanis glorie, rationi contrarios, penitus compescit: unde evenit, quod qui revera solidam hanc gloriam possident, non inde elatiores evadunt, sed placido, secreto, & tranquillo fruentes Gaudio, non tam præmia sequuntur rectè factorum quam ipsa recta facta. Horum Animi eodem perfunduntur gaudio, quando aliquid, humano generi proficuum, vel rei litterariae ornamentum concilians, vel ab ipsis metu vel ab aliis invenitur; aliorum laudes pleno effundunt ore, & proprias non avidissimis auribus excipiunt, quin multo malint potius, alios splendorem sibi aliquem conciliare plumis & ornamenti conductitiis, quam ut illimet ipsis ullo alio-

rum cultu splendere videantur. Verum pauci, quos aequus amavit Jupiter, hanc Animi sanitatem acquisivere, quia plerisque In-  
culti jacti moralis Philosophia, que sola animorum agritudinibus  
medelas afferre potest. Hinc evenit, quod Juvenes & Tyrone  
multi, qui Musarum limen vix adhuc salutaverint, nec primas  
Scientia lineas exarare didicerint, Seniores & multo doctiores inani  
spernunt fastu, nec minus Seniores quamplurimi, eodem fastu labo-  
rantes, qui, veterum quorundam verba, fortasse male intellecta, per  
annos multos solum edidicere, verbosa illa Philosophia tumidisissimi  
facti, injuriis petulantissimis, doctos Juniores, in veræ Philoso-  
phia indagatione sudantes, infectantur. In Medicina vero præci-  
pue, utriusque hujus generis abundant homines, præter Turbam mag-  
nam indoctissimorum, qui, si forte Mechanicam aliqualem Cartesii  
rationem audiverint & male intellexerint ( integrum quippe Car-  
tesii Systema, eorum captum longe superat ) vel si prestigiis fumi-  
vendulorum quorundam ludificati, Carbonum magnum facere di-  
spendum, & quedam male-olentia torrefactione fieri didicerint, se  
non modo Philosophos, sed solos Sophos esse jactitant, & veræ medicinæ  
cultores, inter quos nil nisi Philosophia vel Philosophi per Ignem  
circumsonat. Sed missis istius farinæ hominibus, si mihi quidem co-  
pia sit optandi, libenter velim, ut inter viros vere doctos & medi-  
cos res aliter ageretur ; ut scil. Medici seniores, multa lectione &  
veterum autoritatibus freti, sedulis Junioribus, negandi vel af-  
firmandi arrogantia, languorem ne incuterent ; Velim etiam, ut  
Juniores, qui vera Scientia vestigia sequi cupiunt, & quibus ca-  
su vel consilio, quedam non ante nota, vel diuturna obscuritate  
latentia in lucem producere contigerit ; velim, inquam, ut hic etiam,  
omni seposito fastu, in memoriam revocent per pauca revera sciri  
posse. & multa sibi necdum nota, senescentem docere atatem, ideoque  
summa observantia honores debitos Senioribus deferri omnino debere.  
Sed intercujusvis atatis homines ubivis equidem bella moventur,  
dum invidia, non emulatio, incitationem accedit. Viri enim volumi-  
nosi, & librorum Heluones, quibus magnum semper est in promptu ver-  
borum Armamentarium, in litem studio certaminis parati,  
quosvis adorantur, qui veterum opiniones ullas, quas ipsi longa  
cogitatione, proprias tandem ( uti opinantur, ) effecerunt, la-  
befactare audent. Dum enim recordari, illis est Saperet &  
Scire, aequaliter ferunt, alios, fortasse Juniores, novis experimen-

tis, nepperrime inventis (et si ex sensuum evidentia petitis). Systema Philosophiae, ab illis tam pulchre effectum, velle deturpare. Hi ergo, magnis argumentorum notionalium copiis apprime instructi, bellum indicunt, non omissis rixarum & convictorum turpium auxiliis. Alii sunt, qui saniorem ostentant Philosophiam, viz. Experimentalem, sed solum Glorie inanis cupidine stimulati, non vero sciendi ardore flagrantes, nomina Authorum, vel rerum Inventarum, unice ambiunt, proindeque, Inventione aliqua nova fortuito audita, statim scripturientibus calamis, mundum credere volunt, se solos illius Inventionis fuisse authores, vel se saltam primos de tali re cogitasse, sed p.r.e aliis quibusdam (magis proculdubio momenti) negotiis impeditos illam in apricum proferre non potuisse; etiam si vix adhuc animo attente secum expenderint, sitne res reuera consideratu digna, ullumve ex illa emolumentum humano generi, vel rei litteraria possit afferri: Adhuc, tales inventiones, casu, non consilio, acquisitas, fortunae imprimis acceptas esse ferendas, easque doctis aque ac indoctis posse contingere. Absit vero, ut de fama virorum doctorum detrahant, qui in re Anatomica praesertim insudantes, in magna illa nepperrime Inventa fortuito inciderunt. Asellii enim sedulus in Vivorum Anatomia labor sumopere est laudandus; unde primam vasorum Laetorum notitiam habuimus; quamvis, teste ipsorum, fortuito illa invenerit. Doctissimus Pecquetus inventionem illam felicissimam Ductuum Thoracicum, munus fortuna, vel potius eximium Dei beneficium agnoverit. Magnus Bartholinus, uti & Doctissimus Rudbeckius, alia de Laetis querentes, fortuito in Vasorum Lymphaticorum notitiam inciderunt. Ac mihi etiam liceat afferre (id quod alii etiam multi, fide digni, testari mecum poterunt) Jolivium nostrum etiam ante Annum 1652, dum qucadam circa Vasa preparantia indagaret, superius facta ligatura, inferiusque testiculum cum involucris manu tractaret, ut inde vasa targidiora redirentur, de re tali ne cogitantem quidem, primum Vaia etiam Lymphatica turgescere vidisse.

Qua quidem haud dicta velim, ut laboribus semper laudandis, vel etiam felici Bartholini vel Rudbeckii fortuna quicquam derogem, sed solum ut quod est fortuna, & laboribus Jolivii nostri debitum erat, & illi redderem. Ille vero, dum superficies manebat, de rebus fortiusq; inventis rixari, nec viro prudenti, nec docto medico

dico dignum iudicabat, nulla laborans invidis, quod viri tare docti, ejusdam felicis fortune participes fuere; libenter etiam ageret sebat eorum industriam & fortunam ab omnibus laudandam esse; praesertim cum in suspicionem ne venire quidem posset, ullum horum alteri inventionem clam eripuisse. Absit semper à viris doctis malitia & petulantia eorum, qui veros rerum Inventores suffillant, & inventiones doctorum virorum, sedulo in re litteraria operam navantium, vel nihil faciunt, vel sibimet arrogant, vel aliis adscribunt. Interim homines talibus animi vitiis laborantes, ubique fere grassantur, & cujusvis gentis viri docti, eorumdem ictibus feriuntur. Nostrates præcipue talia accepere verbera (si tamen verbera sint dicenda, queris & dedignatione accipiuntur.) Circulatio Harveana, res non casu, sed consilio, inventa, et si sensuum evidentia confirmata, & oculis manibusq; quibusvis rei Anatomicæ peritis, luce meridiana clarior exhibita; frequenter tamen verbosa Philosophia, & ventosis argumentorum machinis, turbata fuit. His vero spretis, immota mansit veritas. Interim alia ab invidia prærantur arma, & inventum hoc nobilissimum curvis potius, quam vero Inventori, adscribere multis placuit. Clarissimus Bartholinus, qui sua omnia, & aliorum multa quotidie publica facit, non mediocriter in Epistola 47. Centuriæ secundæ, Bogdano suo dicata, de talibus conqueritur injuriis: Sed tamen in epistola 26. Centuriæ primæ secretum nulli (uti ait) revelandum, toto communicat orbi; viz. Patrem Paulum Venetum, verum sanguinis Circulationis inventorem fuisse. Si defunctus Harveus defensione nostra nunc egeret, facile monstrare possemus, magnum & summe doctum Paulum ab ipso Harveo, (inter hos enim vetusta manebat amicitia) primam Circulationis notitiam (mediante Oratore Veneto, hic tunc temporis commorante) recepisse. Interim doleo sane, Venerandum Bartholinum, cuius doctos labores suspicio, & cuius senectutem veneror, ita candoris memoriam demississe, ut futilem illam Bogdani epistolam 62. Centuriæ secundæ typis mandaret, in qua ille Medicos Londinenses injuriis petulantissimis infectatur. Peregrinus ille à Clarissimo Entio, & aliis nostris, facili, fortasse nimis comiter exceptus fuit, sed dedignabantur viri docti, questiunculis ineptis tam tenuis Emissarii satisfacere; hinc iratum animalculum sibilando ingenium prodere cœpit. Sed non est meum, calumniatores redarguere contumelias litterato orbi satis notum est, Philosophos & Medicos Anglic

non multa incepta vel inconcocta divulgassem, nec eorum adeo multos sc̄ ipturiendi pruritu laborare. Verulamius, et Gilbertus, Philosophiae veræ magna edidere Specimina; et Medici nostrates, Harueius, Glissonius, Entius, Whartonius, Willisius, et alii, res nonnisi demonstrativas ut plurimum publicas fecere; nec festinando cœcos parturiere caulos. Affirmandi sane arrogantiam, in rebus p̄ assertim conjecturalibus, ubique, putem, vitavere, & (spero) vitabunt, temeritatemque fugient, satis gnari, quantis in tenebris laboremus. Obruitur vero, et tantum non pessundatur res-publica litteraria, dum popularis auræ aucupatores multi, nec veritati, nec humani generis commodo litantes, quotidie res suas insulsaſ, et male intellectas, fortasse vix intelligibiles mundo protrudunt: unde nimis præcoccia ingenia notionibus non intelligentis insanire videntur. Agyrtæ vero, sumivenduli, et circumforanei, quasi de rebus nunquam aſsequendis certam haberent Scientiam, audacter de his pronunciant, atque insolentia et audacia, à Sapientibus semper irridenda, Veritatem et Scientiam ſibi ſolis vendicant, quum nec quid fit ſcibile norint, nec quicquam veriſapiant. Interim vero, aſtu quodam ignorantie, in altam grandisonantis bujus dementiae admirationem plebs indeſta rapitur. Pergat ſane gens utraque, bona doctorum omnium veria, ubivis et in quovis decipi, et insanire, modo à Medicinae praxi abſtineant, nec de humana pelle tam temere ludant. Per duos annorum millia, ab experientia adhuc crescit Medicina; at nulla fit in praxi experientia utilis niſi ſumma adhibita ratione, et debite ſimul quibusvis collatis circumſtantiaſ. Metuenda ergo ſunt, quecumque in medicinae praxi nova; et caute admodum cum illis procedendum, donec evidenti et multiplici experientia, conformata fuſint. Mibi enim non liquet, ulla remedia hominibus fuſſe revelata; Sed omnia ab experimentis diversimode factis, mutuo communicatis, ſimul collatis, et tandem a Viris doctis congeſtis, mundo tradita fuere. Hodierni vero novatores non erubescunt aſſerre, ſe magnum aliquod remedium novum, nec ſibimet nec aliis antea no'um, jam nunc inveniſſe; et ſtatiu inſignes ejus prædicant virtutes, à nemine tamen ut plurimum percipiendas unquam. Seniores vero ſapientiores, et bene exercitati Medici, vix, ni fallor, credent, illum diu inter multos et multifarie agrotos versatum fuſſe, qui audacter de peculiarium remediorum virtutibus, nunquam fallentiibus, ad experientiam provocat. Insurgunt tamen quotidie homines

mines quidam, qui re aliqua, ipsis fortasse nova, fortuito auditæ, vel lecta, & male ut plurimum intellecta, eam statim novitatis solum causâ in arcissimos recipiunt amplexus, phantasia diligenter fovent, & verborum fortasse sesquipedalium mangonio in molem aliqualem sufflare nituntur, & deinde supposititia hæc pro suis mundo obirudunt, & statim Authorum & Inventorum nomina usurpantes, minus doctos Tyroneisque credulos in devios errores agunt.

Sed aliter proculdubio agendum est illis, qui ad veram scientiam promovendam, operam strenue navant. Insulae & indigestæ non statim evulganda sunt, & diu etiam de rerum in lucem emitendarum veritate, certitudine & utilitate pensitandum. Si enim subacto judicio, quæ typis sunt mandata, composita fuissent, viri literati non tanta librorum inutilium mole fatigarentur.

His consideratis, Doctissime Oldenburgi, mea qualiacunque fuerint, vix typis digna judicare possum. Etsi enim per plus quam duo annorum lustra præterita, diligenter in miscendis variis cum Animalium viventium sanguine liquoribus sudaverim, nec solum potulenta diversa, usque ad libras duas, in massam sanguineam infundi & misceri curaverim, sed etiam Emetica, Cathartica, Diuretica, Cardiaca. & Opiata isto modo exhibuerim; provirili etiam eorum effecta notaverim, præterea sanguinis etiam ipsius Transfusionem saepius tentaverim; agnosco tamen me de hujusmodi experimentorum utilitate multum adhuc dubitare. Nostri tuncmet, doctissime vir, me ante quinque circiter abhinc annos horum experimentorum viria, Societati Regiae communicasse, cuius hortatu ea typis tunc temporis mandare decreveram: sed dum alia hujusmodi experimenta repeterem, ut certius possem de eorum usu & utilitate statuere, varia saepenumero occurrebant phænomena, que me adhuc anxium tenent, talesne possint operationes tuto unquam ad morbos sanandos applicari. Veruntamen agnosco, me opinari haec tenus, posse res Anatomicæ, & naturæ sanguinis melius expiscande, infusiones diversorum liquorum in venas animalium viventium, inse: vire. Putem insuper, Transfusionem sanguinis in magnis & subitanis sanguinis profusionibus, ad vires subito instaurandas, fortasse mulum posse conducere. Tuncmet obiscum vidisti, Vir Amicissime, animal larga sanguinis profusione fere exsangue redditum, & convulsionibus lethaliibus plane moribundum, sanguine alterius

terius animalis, non ejusdem speciei, in illum transfuso, intra secundam hora minuta, ad pristinum & perfectum vigorē restitutum. Ex repetitis tamen experimentis dubia mecum manent diversa, possintne morbi ulli ex Transfusionibus talibus sanari, vel etiam in aetate senili, juventutis vigor aliquatenus instaurari; specierum vero vel individuorum ingenia vel dotes ita alterari, ut a nativis diversatandem evadant. Nam scimus, alterationes diversas, quas saepius in animalibus & eorum sanguine, ex liquoribus variis infusionis, factas observavimus; sed, ni fallor, ut aliquid in verum animalis commodium verti possit, illud, quicquid sit, quod cum massa sanguinea misceri debet, praeviā illam, in primis concoctionibus alterationem & dispositionem requirit, quæ hoc apud natum ad tales usus reddat.

Sed, Deo dante, promissa tandem exsolvam, & aliquas ex Observationibus illis, quas peregi, publicas faciam. Quod moram adhuc injicit, præter negotia & statum vita nimis valetudinariū, est, quod quedam, quæ de sanguinis Natalitiis primis, mihi observasse contigit, & quedam etiam de variis ejus analysibus, ad aliqualem majorem certitudinem reducere velim: Pollicor quippe, pauca illa, quæ alii a me evulgatu digna judicavere, fore nonnisi facta & observata quedam, perspicue & fideliter recitata; queque de iis ratiocinari ausus fuerim, ex evidentiā sensus pro virili deducta.

Ceterum, cum Tu ita velis, doctissime Vir, & quod ita fieri oporteat credas, fideliter Originem Transfusionis sanguinis, ut ea apud nos saltem se babet, enarrabo. Misso testimonio illo, quod a viro fide digno, & Regalis Societatis consorte, penes Te etiamnum reperitur, viz. Rever. Dominum Potter, Theologum insignem, triginta ab hinc annis, considerata Circulatione Harveana, socio huic nostro & aliis viris doctis, saepius sanguinis Transfusionem proposuisse; Ego equidem, quæ mihi ipsi hac de re certo cognita sunt, solum referam. Circa finem Anni 1656. aut circiter, Mathematicus ille insignissimus, D.D. Christophorus Wren primus infusionem variorum liquorum in Massam sanguineam viventium animalium excogitavit & Oxonii peregit. Anno sequenti, viz. 1657 idem mihi tunc temporis sanguinis naturam provirili inaganti, quæ ipse fecerat, etiamsi communicavit, ex quo tempore diligenter ad diversa hujusmodi experimenta facienda me accingebam: & inter alia, quæ tunc temporis agenda decrevi, aquas, cervisiaas cuiusvis generis, lac, serum

serum lactis, juscula, vina, Sp. Vini, & animalium diversorum sanguinem, injicienda mecum statui. Et præter fistulas alias, ad varias operationes adaptatas, quasdam Figuræ tertiae in modum, factas habui, ut uno extremo in arteriam unius animalis immisso, altero in venam alterius, sanguis ab uno animali in alterum faciliter transfundiri posset: & ut docto curvis, quod debitum est, reddam, D. Dr. Henshaw, etiam è Societate Regia, vel ante hoc, vel circa idem tempus (uti & egomet) incassum tamen, eadem methodo, sanguinis Transfusionem tentavit. Hinc fuit, quod cum in Regali Societate, inter alia Experimenta (quod ex Archivis illius satis liquet) sanguinis Transfusio proponeretur, alii viri docti mecum opinabantur, ex operatione tali nil fortasse sperandum; atque ipse metu difficultates recitavi, quæ mihi hanc operationem peragenti contigerant. Dehinc res denuo tentata, nobiscum non successit, donec Doctissimus & Exercitissimus Anatomicus, D. Dr. Lower, Oxonii, Anno 1666. rem feliciter conficeret. Quo facto tutem, sub ejusdem anni finem, totam rem cum operationis methodo, publicam fecisti. Anno sequenti, ex Gallia etiam de hac operatione audivimus. Fato, me totum gaudio perfusum fuisse, quum certus redderer, fiduciam Gallicam illud aggressam esse, quod timor vel ignavia fortasse nostra, vix tentare quidem ausa fuerat. Scis, doctissime vir, quanto cum applausu Clarissimo Denisio assurrexi, qui non solum ingeniosissime talem experimentorum defensionem suscepit, sed in Hominibus etiam postea celebravit.

At tanti mihi non videtur, Eruditum illum Gallum tam strenue & animose de prima Transfusionis sanguinis origine contendere; vel me etiam primam ejus Inventionem nobis ipsis vendicare. Tuttum, ni fallor, D. Oldenburghi, hunc Gallum in errorem duxisti. In Philosophicis enim tuis Transactionibus, Mense Decembri, Anno 1665. editis, ubi de origine Infusionis variorum liquorum in venas, rationem redditisti, inquis; Sex ab illo tempore retro annis ad minimum, D.D. Christopherum Wren Infusionem illam primum omnium tentasse.

Nemo fortasse dubitabit, quin, si quis de hoc Experimento promovendo serio cogitaret, & de variis cum sanguine miscendis attente meditaretur, mixtio sanguinis diversorum animalium facilissime tali meditationi sit occurssura. Cum igitur Infusio, secundum calculum tuum, circa Annum 1659. inventa fuerit, & propositio illa de sanguinis

guinis Transfusione in adibus Dn. Monmoris facta dicatur Anno 1658. vel a Clarissimo Abate Bourdelot, vel a docto Benedictino Roberto de Gabetts (de primo enim Propositore needum conuenit) facile quois in illam duci potuit sententiam, quod Gallæ experimenti hujus mentio prima saltem d. beatur. Sed illa operatio, cuius in dictis illis Transactionibus mentionem fecisti, infusione scil. vini Emetici in massam sanguineam, per venam brachii servi cujusdam, in adibus Legati alicuius peregrini, Londini tunc temporis commorantis, peracta, facta fuit Anno 1657. in adibus Gallici Oratoris D. de Bourdeaux, adstante D. Colladon, Equite Aurato, & hodie Regiae Matri Medico Ordinario. Quodque multa talia experimenta eodem anno a nobis repetita fuerint, mecum multi viri docti testari possunt, quorum aliqua in adibus Illustrissimi Marchionis Dorcstriæ peracta etiam fuerunt. Notatu etiam dignum est, quod tota illa methodus facilis D. Loweri, Transfusionis peragende, Mense Decembri, Anno 1666. à Te edita fuit, & non nisi mense Martii anni sequentis de tali operatione è Gallis adivimus. Verosimile ergo, ni fallor, videtur palmam hujus inventionis (si modo palmam mereatur) Anglis quam Gallis potius deb. ri.

Cetera, libenter scirem, quibus rationibus dactus Romanus ille doctissimus Manfredi judicavit, hanc inventionem in Germania primo conceptam fuisse. Nobis enim abduc nihil omnino occurrit, quod vel in minimam ejusmodi suspicionem ducere potuerit. Tribus vel quatuor abhinc annis Major quidam, Medicus Hamburgensis, schedis quibusdam publice emisis persuadere orbi literato nesus est, se ante biennium de tali re cogitasse. Sed proculdubio male hac de re edocitus fuit vir Eruditus, & nimis festinanter suas propalavit cogitationes. Dicit enim, se adivisse, talem operationem, viz. exhibitionem Medicamenti Cathartici per infusionem in venam coram Principe quedam Palatino in Germania peractam fuisse; cum revera hoc à me in aula nostra Regia coram Celsissimo Principe Palatino, Ruperto, praesitum fuerit, unde postea facile Germanis potuit communicari. Præterea, ni fallor, ex ipsis ejusdem scriptis satis liquet, illum tunc temporis tale experimentum ne tentasse quidem. Si ego memet novi, tantum abest, ut aliis debitas eripere laudes velim, vel aliena Mibi aut Nostratibus arrogare, ut mea potius aliis concederem. Quis si penes me præclara aliqua inventa

venta viri jam mortui, nulli nota, manerent, mortuo sane quæ ipsius erant, redderem, & Manibus ejus debitos honores deferrim. De hac re etiam, nisi te hortante, altum egissim silentium, nec adhuc ejus Inventionem tanti judico, ut de ejus origine rixas cumullo inire velim. Rem fideliter, temporum secutus ordinem, enarravi; et si ante id tempus monstrare quis posset, de tali re se cogitasse, sint & illi etiam quas meruit laudes. Hoc tamen audacter affero, Nos in Anglia Inventionem hanc à nullo accepisse peregrino. Si igitur Epistolam banc in publicum mittis, cave Tibi, D. Oldenburgi; nam hac de re nunquam serram reciprocabo.

Denique, quoniam Tu ita vis, tibi etiam mitto figuram vasorum deferentium & vesicularum seminalium, sicut illa ab Exercitatisimo Lowero & à me ipso è corpore humano exercita fuere, queque, ut tutem nos ti, adhuc arida & inflata mecum manent. Gratulor Doctissimo Regnero de Graaf, vel potius mihimet, quod eandem veritatem, ni fallor, invenimus & afferimus: communio enim illa vasorum deferentium cum vesiculis seminalibus ita manifeste se prodit, ut illi, qui per syphonem liquores aliquos in vas deferens injici curraverit, ne guttula liquoris injecti perforamen in urethram exire videatur, priusquam extremum superius vesicularum seminalium attigerit. In Angulo enim A. ita communio ista construitur, ut vesiculae seminales prius totæ implecantur, quam liquor ullus in urethram posset exire. Agnosco etiam, per duo foramina semen in urethram injici, sed vix doctissimo viro possum concedere, unam solummodo esse materiam seminis: si enim Testis, Mechanicâ structurâ, colore & substantia ab Epididymide differat, sicut Epididymis à Parastata; si etiam in his succi diversi & substantia & colore inveniantur, diversæ proculdubio seminis materiae in illis conficiuntur.

Quod afferit etiam cum illo Doctissimus Van Horne; viz. Testis substantiam non esse nisi Conglomerationem aliquam quo-rundam quasi funicularum, vel potius vasorum minutissimorum; non solum hoc jam dudum constabat Nobis; sed jam ante etiam Celeberrimo Riolano & aliis.

Addam quoque, ope Microscopii funiculos istos videri ubique per minutissimas glandulas transire; unde similiudinem Pultaceæ cuiusdam substantia refert testis. Tametsi vero in aliquam longitudinem, funiculi bi protracti possint, totam ta-

men ejus substantiam, quasi lanam factam, è fuso explicari posse, nunquam adhuc potui experiri. Sed de his in presentiarum satis. Dixi ea, ut ipse scias, & sciant etiam Doctissimi illi viri, ( si modo ita tibi visum fuerit,) Medicos Anglicanos non omnino in Anatomicis feriari. Brevi, Deo volente, observationes nostras de Partibus generationi dicatis, unde cum illis, quas per annos aliquot de Hominis Generatione observavimus, non solum in abortibus, primo, secundo, tertio, & quarto imprægnationis mense; sed etis, sed in cadaveribus etiam mulierum diversarum imprægnatarum dissectis: Ni fallor, à primis quatuordecim diebus ( testibus quibusdam fide dignissimis adstantibus) usque ad septimum & octavum mensem.

Fortassis Epistole Limites sum egressus; interim quod tam prolixè te interpellaverim, tutem in culpa es, & debito hoc supplicio culpam Luis; uti & ego, quod tam tarde hac Tibi miseric, severa satis supplicia perferam, si publicam hanc Epistolam feceris. Vale.

### *Explicatio Figurarum, quarum fit in hac Epistola mentio.*

Figura I. exhibetur Pars *Vasis deferentis*, cum *vesicis seminalibus* unius lateris; sicut in Corpore, antequam execta illa fuit, apparebant.

A. Angulus Communionis.

B. Extremum superius Vesicularum seminalium.

C. Vas deferens, ubi Sphphonem parvum inserimus.


D. Foramen apertum in Urethram.

a a a. Pars vasis Deferentis. b b b. Vesiculae seminales.


c c c. Ductus à Vesiculis in Urethram.

Figura II. repræsentatur pars vasis deferentis cum vesiculis seminalibus alterius lateris, sicut execta, inflata & arida asservatur, ut in Fig. I. notant literæ.

*Fig. I.*



*Fig. II.*



*Fig. III.*

